

清

史

稿

清史稿

于敏中

和珅

清高宗

列傳一百六

于敏中字叔子江蘇金壇人乾隆三年一甲一名進士授翰林院修撰以文翰受高宗知直懋勤殿敕書華嚴楞嚴兩經累遷侍講典山西鄉試督山東浙江學政十五年直上書房累遷內閣學士十八年復督山東學政擢兵部侍郎二十一年丁本生父憂歸宗持服逾年起署刑部侍郎二十三年嗣父柩歿回籍治喪未幾丁本生母憂未以上聞御史朱嵇疏劾敏中兩次親喪蒙混爲一愆然赴官並言部臣與疆臣異不宜奪情任事詔原之尋實授調戶部管錢法堂事二十五年命爲軍機大臣敏中敏捷過人承旨得上意三十年擢戶部尙書子齊賢鄉試未中式詔以敏中久直內廷僅一子年已及壯加恩依尙書品級予廕生又以敏中正室前卒特封其妾張爲淑人三十三年加太子太保三十六年協辦大學士三十八年督文華殿大學士兼戶部尙書如故時下詔徵遺書安徽學政朱筠請開局搜輯永樂大典中古書大學士劉統勳謂非政要欲

寢其議敏中善筠奏與統動力爭於是特開四庫全書館命敏中爲正總裁主其事又充國史館三通館正總裁屢典會試命爲上書房總師傅兼翰林院掌院學士敏中爲軍機大臣久頗接外吏通聲氣三十九年內監高雲從漏洩硃批道府記載下廷臣鞠治雲從言敏中嘗向詢問記載及雲從買地涉訟嘗乞敏中屬託府尹蔣賜榮上面詰敏中引罪詔切責之曰內廷諸臣與內監交涉一言及私卽當據實奏聞朕方嘉其持正重治若輩之罪豈肯轉咎奏參者于敏中侍朕左右有年豈尙不知朕而爲此隱忍耶于敏中日蒙召對朕何所不言何至轉向內監探詢消息自川省用兵以來敏中承旨有勞大功告竣朕欲如張廷玉例領以世職今事垂成敏中乃有此事是其福澤有限不能受朕深恩寧不痛自愧悔免其治罪嚴加議處部議革職詔從寬留任四十一年金川平詔嘉其勞動過失可原仍列功臣給一等輕車都尉世襲罔替四十四年病喘遣醫視賜人蔭卒優詔賜卹祭葬如例祀賢良祠諡文襄子齊賢前卒孫德裕襲世職以主事用敏中從姪時和擁其貲回籍德裕訟之江蘇巡撫吳壇察

治罪時和成伊犁所侵奪者還德裕三萬兩餘充金壇開河用蘇松糧道章攀桂爲敏中營造花園事覺褫攀桂職敏中受地方官逢迎以已卒置不論旣而浙江巡撫王賈望以貪敗上追咎敏中五十一年詔曰朕幾餘詠物有嘉靖年間器皿念及嚴嵩專權煬蔽以致國是日非朝多裨政取閱嚴嵩傳見其賄賂公行生死予奪潛竊威柄實爲前明奸佞之尤本朝家法相承紀綱整肅太阿從不下移本無大臣專權之事原任大學士于敏中因任用日久恩眷稍優無識之徒心存依附敏中亦遂時相招引潛受苞苴其時軍機大臣中無老成更事之人福康安年輕未能歷練以致敏中聲勢略張究之亦止侍直承旨不特非前朝嚴嵩可比並不能如康熙年間明珠徐乾學高士奇等卽寵眷亦尙不及鄂爾泰張廷玉安能於朕前竊弄威福淆亂是非耶朕因其宣力年久身故仍加恩飾終準入賢良祠迨四十二年甘肅捐監折收之事敗露王賈望等侵欺貪贖罪不容誅因憶此事前經舒赫德奏請停止于敏中於朕前力言甘肅捐監應開部中免撥解之煩閭閻有糶販之利一舉兩得是以準行詎知勅爾

謹爲王賈望所愚通同一氣肥榮殃民非于敏中爲之主持勅爾謹豈敢遽行
奏請王賈望豈敢肆無忌憚于敏中擁有厚貲必出王賈望等賄求酬謝使于
敏中尙在朕必嚴加懲治今不將其子孫治罪已爲從寬賢良祠爲國家風勵
有位盛典豈可以不慎廉隅之人濫行列入朕久有此心因覽嚴嵩傳觸動鑑
戒恐無知之人將以明世宗比朕朕不受也于敏中著撤出賢良祠以昭儆戒
六十年國史館進呈敏中列傳詔曰于敏中簡任綸扉不自檢束既向宦寺交
接復與外省官吏夤緣舞弊卽此二節實屬辜恩非大臣所應有若仍令濫邀
世職何以示懲其孫于德裕見官直隸知府已屬格外恩施所製輕車都尉世
職卽撤革以爲大臣營私玷職者戒

和珅字致齋鈕祜祿氏滿洲正紅旗人少貧無籍爲文生員乾隆三十四年承
襲三等輕車都尉尋授三等侍衛挑補黏竿處四十年直乾清門擢御前侍衛
兼副都統次年遂授戶部侍郎命爲軍機大臣兼內務府大臣駁駁需用又兼
步軍統領充崇文門稅務監督總理行營事務四十五年命偕侍郎喀凝阿往

雲南按總督李侍堯貪私事侍堯號才臣帝所倚任和坤至鞫其僥得侍堯婪索狀論重辟奏雲南吏治廢弛府州縣多虧帑亟宜清釐上欲用和坤爲總督嫌於事出所按劾乃以福康安代之命回京未至擢戶部尙書議政大臣及復命而陳雲南鹽務錢法邊事多稱上意並允行授御前大臣兼都統賜婚其子豐紳殷德爲和孝公主額駙待年行婚禮又授領侍衛內大臣充四庫全書館正總裁兼理藩院尙書事寵任冠朝列矣四十六年甘肅撤拉爾番回蘇四十三等叛逼蘭州額駙拉爾旺濟領侍衛內大臣海蘭察護軍額森特等率兵討之命和坤爲欽差大臣偕大學士阿桂往督師阿桂有疾促和坤兼程先進至則海蘭察等已繫賊勝之卽督諸將分四路進兵海蘭察逼賊山梁殲其伏賊掘溝坎深數丈並斷小道不能度總兵圖欽保陣亡後數日阿桂至和坤委過諸將不聽調遣阿桂因是宜誅明日同部署戰事阿桂所指揮輒應如響乃曰諸將殊不見其慢當誰誅和坤恚甚上微察之詔斥和坤諾圖欽保死事不上聞赴師遲延而劾海蘭察額森特先戰顛倒是非又謂自阿桂至軍措置始有

條理一人足辦賊和坤在軍事不歸一海蘭察等久隨阿桂易節制命和桂速回京和坤用是銜阿桂終身與之齟齬尋兼署兵部尚書管理戶部三庫四十七年御史錢澧劾山東巡撫國泰布政使于易簡貪縱營私命和坤偕都御史劉墉按鞫澧從往和坤陰袒國泰既至盤庫令抽視銀數十封無闕卽起還行館澧請封庫明日盡發視庫銀得借市銀充抵狀國泰等罪皆鞫實會加恩中外大臣加太子太保充經筵講官四十八年賜雙眼花翎充國史館正總裁文淵閣提舉閣事清字經館總裁甘肅石峯堡回匪平以承旨論功再予輕車都尉世職併前職授一等男爵調吏部尚書協辦大學士管理戶部如故五十一年御史曹錫寶劾和坤家奴劉全奢僭造屋踰制帝察其欲劾和坤不敢明言故以家人爲由命王大臣會同都察院傳問錫寶使直陳和坤私弊卒不能指實和坤亦預使劉全毀屋更造察勘不得直錫寶因獲譴踰月授和坤文華殿大學士詔以其管崇文門監督已閱八年大學士不宜兼樞務且錫寶劾其家人未必不因此遂罷其監督部員洪銘擢廣信州府上見其年幼不勝方面斥

和珅濫保又兩廣總督富勒渾縱容家人婪索和珅請調回富勒渾不與大獄
京師米貴和珅請禁囤積逾五十石者交廠減糶商民以爲不便廷臣遷就原
議上並切責之五十三年以臺灣逆匪林爽文平首封三等忠襄伯賜紫纓五
十五年賜黃帶四開楔袍上八旬萬壽命和珅偕尙書金簡專司慶典事內閣
學士尹壯圖疏論各省庫藏空虛上爲動色和珅請卽命壯圖往勘各省庫以
侍郎慶成監之慶成每至一省輒擊肘待挪移既足然後啓權迄無虧絀壯圖
以妄言坐黜五十六年刻石經於辟雍命爲正總裁時總裁八人尙書彭元瑞
獨任校勘敕編石經考文提要事竣元瑞被優賚和珅嫉之毀元瑞所編不善
且言非天子不考文上曰書爲御定何得目爲私書耶和珅乃使人撰考文提
要舉正以攻之冒爲己作進上嘗提要不便士子請銷毀上不許館臣疏請頒
行爲和珅所阻中止復私使人磨碑字凡從古者盡改之五十七年廓爾喀平
予議叙兼翰林院掌院學士六十年充殿試讀卷官教習庶吉士時朝審停勾
情重者請旨裁定和珅管理藩院於蒙古重獄置未奏鑄級留任又廷試武舉

發策上命檢實錄故事實錄不載武試策問和坤率對不以實詔斥護過飾非革職留任先是京察屢激議叙是年特停罷之嘉慶二年調管刑部尋以軍需報銷仍兼管戶部三年教匪王三槐就擒以襄贊功晉公爵和坤柄政久善伺高宗意因以弄竊作威福不附己者伺隙激上怒陷之納賄者則爲周旋或故緩其事以俟上怒之齊大僚恃爲奧援剝削其下以供所欲鹽政河工素利數以徵求無厭日益敝川楚匪亂因激變而起將師多倚和坤糜餉奢侈久無功阿桂以勳臣爲首輔素不相能被其梗軋入直治事不與同止直廬阿桂卒益無顧忌於軍機奇諭獨署己銜同列嵇璜年老以譏數被斥責王杰持正恒與忤亦不能制朱珪舊爲仁宗傅在兩廣總督任高宗欲召爲大學士和坤忌其進用密取仁宗賀詩白高宗指爲市恩高宗大怒賴薰誥諫免尋以他事降珪安徽巡撫屏不得內召言官惟錢澧劾其黨國泰得直後論和坤與阿桂入直不同止直廬奉命監察以勞瘁死曹錫寶尹壯圖皆獲遣無敢昌言其罪者高宗雖遇事裁抑和坤巧彌縫不悛益恣仁宗自在潛邸知其姦及卽位以高宗

春秋高不欲遽發仍優容之四年正月高宗崩給事中王念孫首劾其不法曰
仁宗卽以宣遺詔日傳旨逮治命王大臣會鞫俱得實詔宣布和坤罪狀略狀
朕於乾隆六十年九月初三日蒙皇考册封皇太子尙未宣布和坤於初二日
在朕前先遞如意以擁戴自居大罪一騎馬直進圓明園左門過正大光明殿
至壽山口大罪二乘椅橋入大內肩輿直入神武門大罪三取出宮女子爲次
妻大罪四於各路軍報任意壓擱有心欺蔽大罪五皇考聖躬不豫和坤毫無
憂戚談笑如常大罪六皇考力疾批答章奏字跡間有未眞和坤輒謂不如撕
去另擬大罪七兼管戶部報銷竟將戶部事務一人把持變更成例不許部臣
參議大罪八上年奎舒奏循化貴德二廳賊番肆劫青海和坤駁回原摺隱匿
不辦大罪九皇考升遐後朕諭蒙古王公未出痘者不必來京和坤擅令已未
出痘者俱不必來大罪十大學士蘇凌阿重黷衰邁因與其弟和琳姻親隱匿
不奏侍郎吳省蘭李潢太僕寺卿李光雲在其家教讀保列卿階兼任學政大
罪十一軍機處記名人員任意撤去大罪十二所鈔家產楠木房屋僭侈踰制

仿照甯壽宮制度園廡點綴與圓明園蓬島瑤臺無異大罪十三薊州墳塋設享殿置隧道居民稱和陵大罪十四所藏珍珠手串二百餘多於大內數倍大珠大於御用冠頂大罪十五寶石頂非所應用乃有數十整塊大寶石不計其數勝於大內大罪十六藏銀衣服數逾千萬大罪十七夾牆藏金二萬六千餘兩私庫藏金六千餘兩地窖埋銀三百餘萬兩大罪十八通州薊州當舖錢店資本十餘萬與民爭利大罪十九家奴劉全家產至二十餘萬并有珍珠手串大罪二十內外諸臣疏言和坤罪當以大逆論上猶以和坤嘗任首輔不忍令肆市賜自盡諸劾和坤者比於操莽直隸布政使吳熊光舊直軍機上因其入覲問曰人言和坤有異志有諸熊光曰凡懷不軌者必收人心和坤則滿漢幾無歸附者即使中懷不軌誰肯從之上曰然則治之得無太急熊光曰不速治其罪無識之徒觀望炎緣別滋事端發之速是義之盡收之速是仁之至上既誅和坤宣諭廷臣凡爲和坤薦舉及奔走其門者悉不深究勉其悛改咸與自新有言和坤家產尙有隱匿者亦斥不問和坤在位時令奏事者具副本送

雷機處早進方物必先關白壇有準駁遇不全納者悉入私家步軍統領巡捕營在和坤私宅供役者千餘人又令各部以年老平庸之員保送御史至是悉革其弊吏戶兩部成例爲和坤所變更者諸臣奏請次第修正初乾隆中命和坤改入正黃旗及得罪仍隸正紅旗子豐紳殷德尙固倫和孝公主累擢都統兼護軍統領內務府大臣和坤伏法廷臣議奪爵職詔以公主故留襲伯爵尋以籍沒家產正珠朝珠非臣下所應有鞠家人言和坤時於燈下懸掛臨銳自語仁宗怒褫豐紳殷德伯爵仍賜舊職三等輕車都尉嘉慶七年川楚陝教匪平推恩給民公品級授散秩大臣未幾公主府長史奎福許豐紳殷德演習武藝謀爲不軌欲害公主廷臣會鞠得誣言狀詔以豐紳殷德與公主素和睦所作青蠅賦憂謚畏譏無怨望違悖推坐國服內侍妾生女罪褫公銜罷職在家

圍禁十一年授頭等侍衛擢副都統賜伯爵銜十五年病乞解任賜公府銜尋卒無子以和琳子豐紳伊綿襲輕車都尉和坤伏法後越十五年國史館以列傳上仁宗以事跡疏略高宗數加譴責闕而未載無以信今傳後褫編修席煜

職特詔申戒焉弟和琳自筆帖式累遷湖廣道御史劾湖北按察使李天培私交糧艘帶運木植鞫得兩屬總督福康安寄書索購狀帝嘉和琳伉直下部議叙由是遂見擢用自吏部給事中超擢內閣學士兼禮部侍郎銜尋授兵部侍郎正藍旗漢軍副都統廓爾喀擾後藏將軍福康安往勦帝命和琳督辦前藏以東藏站烏拉等事尋命與鄂輝更番照料糧餉擢工部尚書疏陳賊曾拉特納巴都爾悔罪狀詔令福康安受降偕和琳妥籌善後未幾授鑲白旗漢軍都統命偕孫士毅惠齡嚴辦察木多以西銷算事仍理藏務五十八年予雲騎尉世職五十九年授四川總督六十年貴州苗石柳鄧叛擾正大噴腦松桃湖南苗吳牛生石三保應之圍永綏帝命雲貴總督福康安往勦和琳時方入京至邛州松桃匪已闖入秀山境和琳聞警馳往督參將張志林都司馬瑜擊走之後復敗賊屢農進攻礮木山黃陂通道松桃兩雙眼花翎時福康安已解正大噴腦松桃圍攻石柳鄧於大塘汛和琳率兵會之遂命參贊軍事克蝦墓硯烏龍巖降七十餘寨封一等宣勇伯復攻下巖碧山貢上服貂裘又以降吳牛生

功賞黃帶龍角銅鴨保天星諸寨大捷加太子太保賞元狐端置嘉慶元年克
結石岡廖家冲連峰均諸隘賞用紫韁福康安卒命和琳督辦軍務時石三保
已就獲石柳鄧尙據平隴奪尖雲山礮臺復乾州賞三眼花翎八月進圍平隴
卒於軍晉贈一等公諡忠壯賜祭葬命配饗太廟祀昭忠賢良等祠准其家建
專祠四年和珅誅廷臣論和琳籍勢邀功上亦追咎其會勦苗匪牽掣福康安
師無功命撤出太廟毀專祠奪其子豐紳伊絲公府改襲三等輕車都尉蘇凌
阿滿洲正白旗人乾隆六年繙譯舉人自內閣中書累遷江西廣饒九南道左
遷五十年自吏部員外郎超擢歷兵工戶三部侍郎遷戶部尙書出爲兩江總
督嘉慶二年授東閣大學士兼署刑部尙書和珅誅休致守護裕陵卒
論曰高宗英毅大臣有過失不稍假借世傳敏中以高雲從事失上意有疾令
休沐遽賜陷羅尼經被遂以不起聞觀罷祠之詔至引嚴嵩爲類傳聞有無未
可知矣和珅繼用事值高宗倦勤怙寵貪恣卒以是敗仁宗嘗論唐代宗殺李
輔國謂代宗爲太子不爲輔國所護者幾希及卽帝位正其罪而誅之一獄吏

已辦蓋卽爲和坤發也

清史稿

列傳一百零七

三寶

永貴

蔡新

程景伊

梁國治

英廉

彭元瑞

紀昀

沙蘇雅 陸良弼

三寶伊爾根覺羅氏滿洲正紅旗人乾隆四年繙譯進士授內閣中書襲世管佐領遷內閣侍讀出爲湖北驛鹽道入補戶部郎中師征準噶爾命赴北路董達什達瓦游牧擢直隸布政使二十六年上幸熱河坐蹕路不修命以道銜駐哈密二十九年赴四川布政使更湖北湖南貴州諸省三十七年擢山西巡撫明年移浙江四十二年擢湖廣總督閱兵衡州協副將福海沅州協副將洪昌運皆衰老三寶請以福海內授旗員昌運令休致上以偏護滿洲顯分軒輊拒不允四十四年授東閣大學士兼禮部尚書督湖廣如故旋移閩浙總督浙江海塘自老鹽倉以上皆柴塘上南巡諭改築石塘三寶疏言時方大汛未宜更

動當於柴塘內下椿築石而以柴塘爲外護會上亦降旨令留柴塘爲重關保障與三寶議合旋命入閣治事巡撫王賢望以賊敗三寶坐未舉劾部議當奪職上命留任尋復令在上書房總師傅上行走四十九年扈蹕熱河以疾還京師卒諡文敬三寶喜讀宋諸儒書大節不苟爲直隸布政使時高宗幸熱河至密雲值大霖雨水盛漲上欲策騎亂流渡三寶諫曰千金之子坐不垂堂今以萬乘輕狎波濤使御駟有失臣等雖萬段何可追悔上曰滿洲舊俗宜親習勞勤顧不可耶三寶復曰上方奉太后乘輿同臨幸卽上渡河安便不識奉太后何所上動容爲之回轡其爲上書房總師傅輯古今儲貳事曰春華日覽授諸皇子論者謂其得師保之體云

永貴字心齋拜都氏滿洲正白旗人父布蘭泰自雲騎尉世職授理藩院員外郎雍正間爲江西巡撫治嚴刻世宗召還京師面詰之對曰臣治事從嚴待上改正俾恩出自上世宗不懼奪職尋復起至古北口提督卒諡愨僖永貴自筆帖式授戶部主事乾隆初累遷郎中出爲湖南辰沅永靖道擢雲南布政使移

浙江署巡撫前總督李衛領鹽政發帑收餘鹽名曰帑鹽令武職任緝私其制未善永貴條上八事俾文武互任其責下部議行居三年命眞除溫台諸縣阜永貴令知府金洪銓治賑不稱職永貴論劾請休致總督喀爾吉善再劾上爲奪洪銓職御史范廷楷因劾永貴瞻徇上難其代命寬之永貴請留本省及江蘇漕八十萬借撥江蘇等省米五十五萬又請開事例補倉儲上責其張皇旣又聞永貴陳災狀有所諱飾乃命奪職赴北路軍董理糧餉居三年賜按察使銜署甘肅臨洮道仍赴巴里坤主餉二十一年加副都統銜兼參贊大臣是歲冬厄魯特宰桑達什策凌等爲亂定邊右副將軍兆惠駐伊犁辦賊永貴旣抵巴里坤具以軍事上聞上嘉其奮勉予三等輕車都尉世職令從兆惠自額林沁畢爾罕進兵命署西安巡撫未之任令赴魯克察克屯田二十三年以侍郎銜留軍因授刑部侍郎董屯田烏魯木齊闢展托克三哈喇沙爾昌吉羅克倫皆駐兵營墾秋穫得穀三萬五千八百餘石是時兆惠兵次葉爾羌命永貴駐阿克蘇主餉軍二十四年還至庫車布政使德舒爲噶哈沁所戕永貴與護軍

統領努三協殲逆衆回部平移倉場侍郎擢左都御史二十六年命赴克什噶爾辦事旋授禮部尙書鑾紅旗漢軍都統仍駐克什噶爾疏請疏濬渠興耕稼議自赫色勒河東南浚渠四十餘里引水入赫色勒布伊材托庸河湍急宜增隄壩鑿山石弱水勢召還京師三十年烏什回人爲亂復命赴哈什哈爾事平移駐烏什三十三年署伊犁將軍移吏部再移禮部坐厄魯特兵盜哈薩克馬轉誣哈薩克辦事大臣巴爾品斷獄未得其實永貴論劾語有所諉飾又以涼州莊浪滿洲兵損馬當償誤扣熱河兵餉召還京師命授左都御史命不得用翎頂旋移禮部尙書得用頂帶仍不得戴翎四十二年命署大學士題孝聖憲皇后神主尋補吏部尙書在阿哥總譜達處行走賜花翎初山東民王倫爲亂給事中李漱芳陳奏饑民釀變坐妄言左授禮部主事及是吏部請以漱芳升授員外郎上責永貴市恩削職奪花翎令以三品頂帶赴烏什辦事詔詰責甚至且言回永貴烏什如不實心任事必在彼處正法先是葉爾羌辦事大臣侍郎高樸役回民採玉並婪取金珠爲諸伯克所訟永貴如葉爾羌訊得實聞上

上爲誅高樸手詔嘉永貴持正並謂永貴罪不至貶今命西行適以發高樸之奸潛銷禍萌此天啓狀衷也仍授吏部尚書賜花翎尋授參贊大臣四十四年召還京師授鑲藍旗滿洲都統四十五年協辦大學士四十八年卒諡文勤永貴端謹初直軍機處與阿桂齊名時稱二桂其撫浙江有廉聲子伊江河官至山東巡撫高宗崩伊江河因奏事附書和珅勸節哀和珅已下獄仁宗得其書詔詰責奪職既又追論在山東日佞佛寬盜命戍伊犁尋授藍翎侍衛古城領隊大臣卒

蔡新字次明福建漳浦人贈尚書世遠族子乾隆元年進士選庶吉士授編修入直上書房試御史第一辭授侍講累遷工部侍郎移刑部十八年以母老請歸省賜其母貂緞旋乞終養允之卽家命爲上書房總師傅辭高宗諭之曰非令汝卽來供職待後日耳二十五年上五十壽入京師祝嘏二十六年南巡親行在母喪終授刑部侍郎三十二年擢工部尚書三十八年移禮部四十五年命以吏部尚書協辦大學士四十六年乞假修墓四十八年還朝拜文華殿大

學士兼吏部尚書五十年與千叟宴上臨雍講學新以大學士領國子監講易
天行健君子以自強不息賜茶並文綺新操履端謹言行必衷於禮法上眷之
厚賦臨雍詩注謂今羣臣孰可當三老五更獨新長朕四歲或可居兄事然恐
其局促勿敢當舉王導對晉元帝語以謝耳新上疏乞致仕語切至上許其歸
加太子太師三賦詩以餞既歸上每製文屢以寄新且曰在朝無可與言古文
者不可阿好徒稱頌五十五年上八十壽詣京師祝嘏賜宴同樂園賜人蔭一
斤及歸命歸途所經有司具舟車護行上仍以詩文寄新諭將以驗學詣戒詩
母和韵五十七年重赴鹿鳴宴六十年上御極六十載諭新不必入賀新奏言
上九旬萬壽冀再詣闕祝嘏上諭之曰覽奏字字出誠心我君臣共勉之若天
恩得符所願實佳話也嘉慶元年新年九十賜額曰緣野恒春侑以諸珍物四
年高宗崩奔赴至福州病不能進巡撫汪志伊以聞溫詔止其行是冬卒贈太
傅諡文端新學以求仁爲宗以不動心爲要嘗輯先儒操心養心存心求放心
諸語曰事心錄直上書房四十二年培養啓迪動必稱儒先高宗以新究心根

砥守世遠家法深敬禮之既歸福建督撫坐貪黷虧倉庫得重譴上責新知而不言自比寒蟬無體國公忠之意新上疏請下吏議卒以篤老寬之嘉慶初海盜方肆新子本俊官京師御史宋澍疏言新家書及海盜事不以聞上爲詰本俊本俊言新已具疏令曆眞入奏上亦不之責仍諭新毋畏新家居謙慎遇丞尉執禮必恭或問之曰欲使鄉人知位至宰相亦必敬本籍官吏庶心有所不敢犯法者鮮耳著有緝齋詩文集程景伊字聘三江南武進人乾隆四年進士改庶吉士授編修再遷侍讀學士命在尙書房行走復三遷兵部侍郎景伊致人書言承乏中樞晨夕內廷多曠廢今秋未與木蘭之役稍得專心職業爲上聞責其就逸解尙書房行走歷禮工諸部三十四年擢工部尙書歷刑吏諸部三十八年協辦大學士四十一年上東巡回鑾駐蹕黃新莊景伊與在京王大臣迎駕未召見卽退班命奪職仍留任四十四年授文淵閣大學士四十五年上南巡命景伊留京治事上還京師入對以景伊病後衰弱命安心調理勿勉強行走七月卒諡文恭

梁國治字階平浙江會稽人乾隆十三年一甲一名進士授修撰遷國子監司業充廣東鄉試正考官復命奏對稱旨命以道員發廣東待闕旋除惠嘉潮道移署糧驛道卓異引見擢著左副都御史遷吏部侍郎廣東總督楊廷璋等追論國治著糧驛道時失察家人舞弊讞實奪職起授山西冀甯道三遷湖北巡撫三十三年命署湖廣總督兼荊州將軍時湖北頻歲水旱治賑缺倉穀四十八萬餘石國治議發司庫白金二十萬俟秋穫易穀來歲春夏間出糶石溢銀一錢行之數年倉穀得無缺三十六年移湖南巡撫師征金川治軍械造藥彈費不給國治請以司庫儲備軍興白金十餘萬照一年應扣各糧通行借給仍分三年扣還歸欵國治又以出征將弁例軍中陞用本營缺出仍係照常拔補循資按格者轉得坐致陞遷冒敵衝鋒者專待軍營缺出無以鼓勵戎行請嗣後本營缺出與出征將弁一體論陞皆從其請三十八年召還京師命在軍機處行走並直南書房三十九年授戶部右侍郎四十二年遷尙書四十七年加太子少傅四十八年命協辦大學士五十年晉授東閣大學士兼戶部尙書五

十一年卒加太子太保諡文定國治父文標官刑部司獄恤囚有惠政國治篤孝友與兄孿生兄蚤卒終生不稱壽事嫂如母治事敬慎縝密生平無疾言遽色然不可以私干門下士有求入按察使幕主刑名者戒之曰心術不可不慎其人請改治錢穀則曰刑名不慎不過殺一人所殺必有數且爲人所共知錢穀厲人十倍刑名當時不覺近數十年來遠或數百年流毒至於無窮且未有已卒不許著有敬思堂集

英廉字計六馮氏內務府漢軍鑲黃旗人雍正十年舉人自筆帖式授內務府主事乾隆初命往江南河工學習補淮安府外河同知累遷永定河道河決總督方觀承劾英廉淤溝鑿埽衝陷水上月隄匿不以聞遂誤要工奪職逮治英廉抗辨逾年諫未決觀承請遣大臣莅其事上命尙書舒赫德會鞠言英廉申報不以實且未將淤溝先事預防堵築經費當責出私財以償上諭言英廉上官未及兩月淤溝失防咎實在前政然觀承以總督劾屬吏不敢率意入罪讞逾年未定請遣大臣莅其事是其心有所警畏亦朕明慎庶政之効仍從其請

未幾命在高梁橋進西稻田廠効力尋復自筆帖式授內務府主事累遷內務府正黃旗護軍統領外授江寧布政使兼織造英廉以父老乞留京師賜二品銜授內務府大臣戶部侍郎三十四年征緬甸師行命與尙書托庸等董其事遷刑部尙書仍兼戶部侍郎正黃旗滿洲都統三十九年侍郎高樸劾左都御史觀保侍郎申保倪承寬吳壇交內監高雲從洩道府記載上問英廉英廉謝不知詔詰責命奪職從寬留任京師商人投呈皇六子有所陳請事下內務府上召內務府諸大臣問收呈者誰也英廉金簡皆謝不知邁拉遜乃言六阿哥收呈上責英廉金簡隱諱下部議命寬之仍註冊四十二年協辦大學士移四十四年暫署直隸總督四十五年大學士于敏中卒上以英廉本漢軍協辦有年特授漢大學士漢軍授漢大學士自英廉始尋授東閣大學士仍領戶部四十六年復署直隸總督疏請清州縣虧帑四十七年加太子太保復署直隸總督直隸灾治賑疏請以截存漕米補各倉儲穀又疏請蠲未完耗羨三萬餘兩皆從其請尋以病乞罷命以大學士還京師養病卒賜白金五千治喪祀賢良

祠諡文肅

彭元瑞字芸樞江西南昌人乾隆二十二年進士改庶吉士散館授編修直懋勤殿大考以內直不與遷侍講擢詹事府少詹事直南書房遷侍郎歷工戶兵吏諸部高宗六十壽次聖教序爲讚以進上嘉之上製全韵詩元瑞重次周興嗣千字文爲跋上手詔獎諭稱爲異想逸材賜貂裘硯墨敕撰寧壽宮皇極殿鐘聯稱旨賜以詩牌雍成釋奠講學又繼以耕藉上三大禮賦擢尙書歷禮兵吏三部五十五年上八十壽以歲陽在庚進八庚全韵詩上以庚韵字數奇易首句用韵去一聯末句乃諧律親爲裁定尋加太子少保協辦大學士五十六年以從孫冒入官御史初彭齡論劾左授禮部侍郎命仍直南書房尋復授工部尙書嘉慶四年高宗奉安禮成元瑞撰祝文仁宗嘉其得體加太子太保元瑞子翼蒙官江南鹽巡道坐事免元瑞自劾又坐誤舉編修繆晉下吏議上皆寬之修高宗實錄命充總裁八年以疾乞罷慰留久之乃許命仍領實錄總裁旋卒贈協辦大學士諡文勤元瑞以文學被知遇內廷著錄藏書及書畫彝鼎

輯秘殿珠林石渠寶笈西清寶鑑寧壽鑑古天祿琳瑯諸書元瑞無役不與和
章獻頌履荷褒嘉所著有經進藁知聖道齋跋尾諸書高宗寶錄成推恩賜祭
並祀賢良祠官翼蒙員外郎

紀昀字曉嵐直隸獻縣人乾隆十九年進士改庶吉士散館授編修再遷左春
坊左庶子京察授貴州都勻府知府高宗以昀學問優加四品銜留庶子尋擢
翰林院侍讀學士前兩淮鹽運使盧見曾得罪昀爲姻家漏言奪職戍烏魯木
齊釋還上幸熱河迎鑾密雲試詩以土爾扈特全部歸順爲題稱旨復授編修
三十八年開四庫全書館大學士劉統勳舉昀及郎中陸錫熊爲總纂從永樂
大典中搜輯散逸盡讀諸行省所進書論次爲提要上之擢侍讀上復命輯簡
明書目坐子汝侏積逋被訟下吏議上寬之旋遷翰林院侍讀學士建文淵閣
藏書命充直閣事累遷兵部侍郎四庫全書成表上上曰表必出昀手命加資
遷左都御史再遷禮部尙書復爲左都御史畿輔災饑民多就食京師故事五
城設飯廠自十月至三月昀疏請自六月中旬始廠日煮米三石十月加煮米

二石仍以三月止從之復遷禮部尙書仍署左都御史疏請鄉會試春秋罷胡安國傳以左傳本事爲文參用公穀從之嘉慶元年移兵部尙書復移左都御史二年復遷禮部尙書疏請婦女遇強暴雖受汚仍置子旌表十年協辦大學士加太子少保卒賜白金五百治喪諡文達昀學問淵通撰四庫全書提要進退百家鉤深極隱各得其要指始終條理蔚爲巨觀懲明季講學之習宋五子書功令所重不敢顯立異同而於南宋以後諸儒深文詆譏不無門戶出入之見云陸錫熊字健男江蘇上海人乾隆二十六年進士召試授內閣中書累遷刑部郎中與昀同司總纂旋並授翰林院侍讀五遷左副都御史旋以書有謬謬令重爲校正寫官所費責錫熊與昀分任又令詣奉天校正文溯閣藏書卒於奉天陸贊墀字丹叔浙江桐鄉人陸贊爲複姓墀乾隆三十一年進士改庶吉士授編修充四庫全書館總校用昀錫熊例擢侍讀累遷禮部侍郎書有謬謬上謂昀錫熊墀專司其事而墀咎尤重文淵文匯文宗三閣書面葉木何責墀出資裝治仍下吏議奪職旋卒上命籍墀家留千金贖其孥餘充三閣裝治

清
身
系
之用

論曰乾隆中年後多以武功致台鼎若三寶永賞國治英廉皆先陟外臺啟歷著聲績國治直樞廷十餘年先後與于敏中和珅未嘗有所阿新元瑞均起侍從文學負時望新謹厚承世遠之教均校定四庫書成一代文治尤哉稱其位矣

清史稿

列傳一百八

袁日修

吳紹詩

子頌

閻循琦

王際華

曹秀先

周煌

子興

曹文植

王杜五林

金簡

子顯

袁日修字叔度江西新建人乾隆四年進士改庶吉士自編修五遷至侍郎歷兵吏戶諸部胡中藻以賦詩誅上罪殊死事未發日修漏言於鄉人上詰日修不敢承逮所與言者質實上謂日修面欺二十年五月下部議奪職左授右中允十二月擢吏部侍郎二十一年令在軍機處行走師討準噶爾命如巴里坤董軍儲二十二年疏言西陲回民數十部落厄魯特人介其中當策妄阿喇布坦時恣殺掠回民久切齒請敕伯克額敏和卓厄魯特竄入境當擒戮予賞賚勿被煽生疑懼尋還京師河屢決山東河南安徽境積水久不去是歲上南巡在視既返蹕命日修會山東河南安徽諸巡撫周行積水諸州縣賚疏濬之策

曰修至安徽借巡撫高晉疏言安徽宿靈壁虹三州縣頻年被水上承河南虜城夏邑商邱永城四縣積水下注畢匯於宿州宿州有睢河虹縣有潼河泗洲與宿遷桃源接壤處有安河皆境內大水與靈壁虹縣諸支港當次第疏浚俾入洪澤湖洪澤以清口爲出路上令去草壩使暢流江南之民仰頌聖明宜令每歲應期開放曰修至河南借巡撫胡寶瑤疏陳黃河南岸自榮澤以下諸水東入睢東南入淮皆淺阻不能宣洩東境幹河在商邱爲豐樂河在夏邑爲饗河在永城爲巴河實卽一水次則賈魯河又次則惠濟河渦河皆當疏濬自永城至汝寧府支河當施工者凡十二導積水自支河入於幹河其不能達者或多作溝渠或停爲較澤潢汙野潦有所約束而不爲民害曰修至山東借巡撫鶴年疏請培館陶臨清濱運河諸州縣民地官給夫米令實力修補復借巡撫蔣洲疏言山東當疏濬諸水以兗州爲要曹州次之兗州宜治者九水曹州西南境當濬順隄河東北境當於八里廟建壩俾沙河趙王河水入運賴以節宜曰修諸議皆稱上意命及時修築曰修復至安徽議濬潁州府境與河南連界

者六水在府境者四水加疏宿州境睢河並寬留清口壩口門上樊所議甚合
機宜還河南諸幹河工竟議續濬商邱遂平上蔡新蔡諸支流凡五水並築諸
隄堰調戶部侍郎二十三年諸水畢治御製詩褒之疏言諸行省偏災米豆例
免稅但以免稅故稽查繁密欲通商而商反以爲累卻顧不前請如常收稅下
九卿議行京師平糶曰修言糶價過減適令商家乘機居積請石減百錢數日
後市價稍平以次漸減會天津民訟鹽商牛兆泰兆泰與曰修有連曰修嘗寄
書上命不必在軍機處行走二十五年授倉場侍郎二十六年河決楊橋命如
河南勘災賑並議疏洩曰修請廣設粥廠饑民便就食量增料價料易集工可
速成上皆可其奏上遣大學士劉統勳兆惠督塞河曰修勘下游疏言黃水悉
入賈魯惠濟二河二河倘不能容爲患滋大宜察隄埝爲河水所從入悉堵禦
俾中流不至復決曰修還楊橋疏言河流逼北岸當挽行中道又請培補沁水
隄並賑流民得旨嘉允曰修子編修麟卒於京師上念曰修所領事將竟有子
喪母老召還京師工竟上製中州治河碑褒曰修及寶琮不惜工不愛帑不勞

民上源下流以次就治旋居母喪歸二十八年上以直隸連年被水曰修服將除召來京督直隸水利署吏部侍郎河渠工畢曰修請迎生母就養上令會高晉籌濬睢河曰修言當厚蓄清水以刷淤泥秋冬水弱南北築壩堵截至四月水漲啓壩分洩上採其議二十九年福建提督黃仕簡疏論總督巡撫得廈門洋行歲餽命曰修偕尙書舒赫德往按並命曰修暫署福建巡撫諭定還京師署倉場侍郎三十年授戶部侍郎三十一年上以江南淮徐諸河隄前令曰修等經營修築爲時已久復命曰修及高恒往勘山東河南毗連處並令巡視曰修等疏言諸水自二十二年大治後歲於農隙疏濬濬岸亦以時培補見無淤墊殘缺報聞邊尙書歷禮工刑三部三十三年丁生母憂歸三十四年召授刑部尙書初江南山東蝗起命曰修捕治是歲畿南蝗復命捕治曰修至武清令順天府尹寶光熊行求蝗起處上責曰修不親勸左授順天府府尹尋遷工部侍郎三十六年命如滄州勘運河疏請改低壩基殺水勢疏下流引河移捷地開裁曲就直疏減河使順流達海上從之遷工部尙書命南書房行走命督濬

北運河三十七年又命督濬永定北運諸河疏言治河不外疏築而築不如疏直省近水居民與水爭地水退卽占耕升科築埝有司見不及遠以爲糧地自當防護逼水爲隄埝水乃橫決爲災請敕所司浞泊毋得報壅升科橫加隄埝使水有所歸上降旨嚴禁三十八年四月日修病瘳乞歸上以錢陳羣嘗病此以老許其歸今日修方六十不當如陳羣之引退賜詩慰之屢遣存問御醫視疾旋加太子少傅卒諡文達子行簡自有傳

吳紹詩字二南山東海豐人諸生雍正二年世宗命京官主事以上外官知縣以上舉品行才猷備任使卽親戚子弟不必引避時紹詩世父象寬官湖北黃梅知縣遂以紹詩應詔引見分刑部學習十二年授七品小京官乾隆初累遷至郎中外擢甘肅鞏昌知府遷陝西督糧道總督永常劾紹詩採兵米侵帑奪職下巡撫鍾音鞠治紹詩以市米貴賤不齊爲中價具報非侵帑狀聞發軍台効力以母病許贖二十二年高宗南巡紹詩迎蹕起貴州督糧道遷雲南按察使調甘肅按察使就遷布政使疏言寧夏駐防將軍以下官祿應給糶米請改

征諸民應納粟米石者改交粳米七斗上命寧夏駐防官祿如涼州莊浪例改折價又疏鎮番縣柳林湖招墾地請如安西瓜州屯田例升科納賦較前此徵租歲計有盈且民戶世業俾可盡心耕耨下總督楊應琚等議行甘涼諸縣早紹詩復疏言張掖永昌鎮番碾伯高臺五縣舊無城撫彝廳隆德涇州城已損壞請以時修築使飢民就工授食下巡撫常鈞議行旋以憂歸三十一年服除擢刑部侍郎出爲江西巡撫以南昌九江二衛屯山租過重贛州袁州鉛山三衛所租重而田缺疏請減租下總督高晉詳勘量減上猶產鐵砂民爭取滋事疏請募民淘探募商設廠收鎔爲之條例九江關監督舒善建昌府知府黃肇隆皆以不職爲上聞責紹詩不先事論劾部議奪職命寬之三十四年召爲刑部尙書未上調禮部尙書是歲南昌等縣被水十月紹詩將受代始奏請緩征上諭曰天地收斂小民豈能復事輸將紹詩遷延不問直至開征將及一月始以一奏塞責見雖傳諭停緩急公者納糧不免拮据疲窘者徒受催科之累此皆紹詩全不知以民事爲重有以誤之也紹詩累經部議降革並從寬留任此

則玩視民瘼難復曲貸因命奪職三十五年起刑部郎中三十六年擢侍郎皇太后八十萬壽列香山九老賜以宴資三十七年調吏部侍郎三十九年乞致仕四十一年上東巡迎蹕加尙書銜卒年七十八諡恭定子垣增垣自舉人入資授兵部郎中三十五年特命調刑部三十六年紹詩爲侍郎上以垣本特調命母迴避三十七年弟增爲侍郎乃調吏部遷監察御史以憂歸服除補原官遷給事中以弟增爲巡撫例不爲言官署吏部郎中增卒復爲給事中五遷爲吏部侍郎四十九年外授廣西巡撫五十年入覲與千叟宴調湖北巡撫江夏等州縣旱疏請緩征平糶募商赴四川買米五十一年卒上賜卹猶獎其實心治災賑也增二十六年進士授刑部主事再遷郎中三十一年紹詩爲侍郎上以增治事明敏母迴避三十二年超授江蘇按察使就遷布政使江甯蘇州兩布政所屬五支官俸兵米增疏請更定江蘇賦重中諸行省每遇奏銷款目繁複增疏請分別總案專案以便察覈皆議行三十七年內擢刑部侍郎三十九年太監高雲從以洩道府記載誅京朝諸臣從問消息者皆奪職增亦與上謂

不意墮竟至於此念其練習刑名廢棄可惜左授刑部主事遼寧中四十四年授江南河庫道邊江蘇布政使四十五年擢巡撫疏言吳縣舊有公田萬二千五百畝銀漕外歲納租息佐轉漕迤租甚鉅以非正賦遇蠲免不得與請併予豁除災歉隨賦蠲緩又疏言江河險處設救生船五十六今裁存二十八請增募四十分泊京口瓜州金山諸處並從之旋卒紹詩父子明習法律爲高宗所器紹詩兩爲侍郎垣增先後在郎署特命毋相避及紹詩移武吏部以垣繼其後父子相代尤異數乾隆初重修大清律例紹詩充纂修官綱目二卷實所釐定垣復著大清律例通考三十九卷

閻循琦字景韓山東昌樂人乾隆七年進士改庶吉士散館授工部主事三遷廣東道御史仍兼工部行走疏言江南諸行省水災治賑應照戶口秤定銀封主其事者每假手胥吏不能無扣減甚或私用輕毀宜令督撫派專員監封仍令道府以時抽驗貧民以銀易錢買米當禁奸民剝削富家積錢亦應令其散易以平市價上曰循琦所言頗中情弊但若明降諭旨不肖者未必畏憚本無

此弊者或轉因此啓其舞弊當抄循琦奏寄諸行省督撫令加意體察又疏言八旗義學教習多不實心督課請歲派大臣會禮部堂官嚴察上爲罷八旗義學令董理各官學大臣盡心教育遷轉吏科掌印給事中三十四年特命兼吏部文選司郎中遷內閣侍讀學士仍兼吏部行走京西門頭溝煤窰歲久淤塞有議他處管採者因緣爲利命循琦會勘謂舊窰產煤本旺鑿溝墜疏積水淤去而煤暢他處有可採當以時招商議上大學士傅恒覆奏如循琦言三十六年超擢工部侍郎會試知貢舉事畢入對上問諸臣知貢舉每有條奏汝獨無何也循琦對科場條例已甚詳備諸臣實力奉行自足不敢毛舉一二端自謂曉事也上曰汝言是凡事皆當如此非獨知貢舉而已三十八年遷工部尙書四十年卒贈太子太保諡恭定王際華字秋瑞浙江錢塘人乾隆十年一甲三名進士授編修十三年大考翰詹擢侍讀學士上書房行走廣東舊設兩學政十五年以侍讀程巖督廣韶學政際華督肇高學政旋用巖議裁併以憂歸服除起原官三遷至侍郎歷工刑兵戶吏諸部在兵部疏言武鄉會試舊例外場

挑雙好單好合式三類入內場雙單好列東號合式列西號不肖者見列西號知不能倖中紛紛求出卽有歸號終日喧嘩請嗣後武鄉會試但挑雙單好母更挑合式在吏部疏請在京文武官吏議處及各部會議外省文武官吏議處當分別定限皆如所議三十四年遷禮部尙書三十八年加太子少傅調戶部尙書四十一年卒贈太子太保諡文莊官其子朝梧內閣中書官至山東兗沂曹道程巖字巨山江西鉛山人以檢討督廣東肇高學政移督廣韶學政建議裁併卽以命巖官至禮部侍郎

曹秀先字恒所江西新建人乾隆元年舉博學鴻詞未試成進士改庶吉士授編修十年遷浙江道御史十七年八月舉恩科會試秀先從子詠祖坐關節誅秀先當奪職上以秀先初不與知但失察命寬之十八年近畿蝗秀先請御製文以祭舉蜡禮州縣募捕蝗母藉吏胥上曰蝗害稼惟實力捕治此人事所可盡若欲假文辭以期感格如韓愈祭鱸魚鱸魚遠徙與否究亦無稽朕非有泰山北斗之文筆好名無實深所弗取下部議能蜡禮餘如所請七遷至侍郎歷

工戶吏諸部三十九年遷禮部尙書上書房行走命爲總師傅四十六年禮部議四十七年祀祈穀壇日用次辛上曰朕御極來遇正月上辛在初三日前當隔歲齋戒改用次辛其有初四日上辛亦改次辛者以爲聖母皇太后祝釐朕率王公大臣拜賀東朝禮不可闕至明歲正月上辛則非向年可比矣如謂不敢輕易朝正令典亦當備稽往例具奏請旨乃遽行題違何昧昧至此禮部堂官悉下部議秀先當奪職復命寬之四十七年罷上書房總師傅四十九年卒贈太子太傅謚文恪秀先少孤事母胡孝嘗爲吮疽母卒庶母龔爲携持事如母學於兄茂先事之如嚴師旣貴收宗族弭鄉里水忠莅政勤慎廉儉罷吏議數四輒命減免秀先顏其堂曰知恩紀上眷也子師曾自兵部郎中屢遷至侍郎歷禮兵二部嘉慶二十五年以兵部失行在印左授太常寺少卿道光初再遷太常寺卿請修墓歸卒

周煌字景垣四川涪州人乾隆二年進士改庶吉士散館授編修二十年命偕侍講全魁册封琉球國王尙穆尋遷右中允再遷侍講二十二年使還奏上琉

球國志略命以武英殿聚珍板印行以從兵在琉球失約束下吏議當奪官上以煌遠使且在姑米山遇風險命寬之仍留任二十三年大考二等開復尋遷左庶子命上書房行走累遷兵部侍郎三十八年五月命如四川按壁山民訟武生勅派十月復命如四川按蓬溪諸生訟縣吏勅派俱鞫虛罪如律四十四年擢工部尚書四十五年調兵部尚書四十六年上幸熱河煌詣行在入對四川方多盜號爲啣嚙子總督永綬疏報遣將吏捕治上以諮煌煌對啣嚙子所在多有縣轍百十人其渠號朋頭白日劫掠將吏置不問甚且州縣胥役亦爲之大竹縣役子爲盜渠號一隻虎上爲罷文綬調福康安督四川命防護煌所居村四十七年命爲上書房總師傅未逾年以煌不勝總師傅罷之四十九年調左都御史五十年以病乞休詔以兵部尚書加太子少傅致仕尋卒進太子太傅賜祭葬諡文恭子興岱字冠三乾隆三十六年進士改庶吉士散館授編修累遷侍講學士超授內閣學士擢侍郎歷禮吏戶諸部命在南書房行走嘉慶四年祭告川陝嶽瀘川楚教匪亂方急上命興岱經被寇州縣宣諭慰卹並

傳詔招撫復以軍中諸將勇怯語與偕奏臣行次廣元民言總兵朱射斗
在高院場戰敗總督魁倫未遣兵應援又不嚴守潼關賊夜掠太和鎮焚殺甚
酷行次梓潼賊正擾縣境民紛紛徙避臣在縣督率嚴防駐二日乃行途中宣
上指慰諭民言川軍逐賊德楞泰最奮勇且能於臨陳廣布德意解散脅從但
賊勢方張一人不能兼顧請救督兵諸大臣同心協力上奪魁倫官逮詣成都
命興偕會勒保按鞫事畢還京師焯管兩使四川按事興偕復繼之時以爲榮
六年充江西考官坐受餽並索取衣裘命退出南書房左授侍讀學士八年大
考以老乞休上從之旋復授編修遷侍講擢內閣學士復再遷左都御史十四
年卒

曹文植字竹虛安徽歙縣人乾隆二十五年二甲一名進士改庶吉士授編修
直懋勳殿四遷翰林院侍讀學士命在南書房行走再遷詹事府詹事居父喪
歸四十二年詣京師謁孝聖憲皇后梓宮喪終仍在南書房行走授左副都御
史遷侍郎歷刑兵工戶諸部兼管順天府尹軍機章京員外郎海昇殿殺其

妻以自縊報其妻弟貴甯爭非是命左都御史紀昀等驗尸仍以自縊具獄貴甯復爭言海昇與大學士阿桂有連驗不實更命文埴與侍郎伊齡阿覆驗得毆殺狀以聞上獎文埴等不徇隱公正得大臣體阿桂以嘗奏及語袒海昇坐罰俸嚮下吏議刑部侍郎景祿杜玉林及郎中王士葵等皆遣戍擢文埴戶部尚書復命與伊齡阿如通州督漕政漕船回空較早命議叙五十一年命如浙江察倉庫虧缺旋復命阿桂會文埴董理浙江濱海建石塘外積柴爲障是爲柴塘外又築土爲坡以護是爲坦水巡撫福崧疏請籌歲修命文埴併按文埴言柴塘日受潮汐往來汕刷勢不能無踣跲今旣爲坦水若不以時補修不足當潮勢而爲石塘之保障得旨如所議文埴還京師上以阿桂及文埴鞫平陽知縣黃梅未得實下部議降二級命寬之五十二年文埴以母老乞歸養兪其請加太子太保御書賜其母五十四年上以明年八十萬壽命文埴母詣京師文埴疏言母健在明年當詣京師祝嘏至時如未能遠離當自審度上體聖意下順親心諸事皆從實得旨卿能來朕誠喜但母稍勉強五十五年文埴詣京

師祝嘏上賜文埴母大緞貂皮五十六年御試翰詹文埴子編修振鏞列三等
上以才可造又爲文埴子擢侍講寄賜文埴御製文勒石拓本六十年以上御
極周甲子文埴詣京師賀上復賜文埴母御書文綺貂皮嘉慶三年卒高宗方
有疾卹典未行五年仁宗命子卹謚文敏並賜文埴母大緞人參乾隆之季和
珅專政嫉阿桂功高位其上海昇妻之獄辭述阿桂和珅妄謂文埴能立異同
欲引以爲重文埴持正故非阿和珅母老決引退恩禮弗替子振鏞自有傳
杜玉林字凝嶽江蘇金匱人乾隆十九年進士授刑部主事再遷郎中外授江
西南康知府三遷四川布政使四十四年內擢刑部侍郎四十五年命如四川
按會理州沙金鳳訴其兄土司金龍佔田獄讞定金鳳復詣京師呈訴覆讞如
玉林議分田惟獄情未盡又知州徐士勳富劾玉林以同鄉置不問吏議當左
遷上授玉林工部侍郎仍領刑部事旋復遷刑部迭使湖南北江南讞獄尙書
福隆安僕嘗殺役夫賄他人自代玉林不能察降三品冠服旋命復本秩五十
年坐海昇妻獄戍伊犁明年召還授刑部郎中行至涇州卒玉林善治獄嘗曰

刑一成而不變治律例猶善醫貴不泥於方書而察其受病之實不如是無以
臨民王士葵字蘭圃陝西華州人乾隆十九年進士改庶吉士授刑部主事再
遷郎中和坤爲步軍統領寵其役役占通州車行州民訴刑部士葵爲定讞成
其役黑龍江上詣碧雲寺禮佛討池涸問其故僧言寺後開煤礦引水別流上
怒逮主其事者下刑部則和坤奴也詔曹憚和坤不欲竟其獄士葵復爲定讞
上責和坤而誅其奴五十年四月海昇妻之獄刑部侍郎杜玉林坐驗尸不以
實當讞上欲以士葵代而士葵亦佐驗上諭曰王士葵在刑部年久前因召對
觀其人尙有才方欲量加擢用乃覆驗廼護逢迎阿桂罪無可道遂與玉林成
伊犁明年召還授刑部員外郎五十二年六月特擢江蘇按察使五十五年高
郵州吏以僞印徵賦事發巡撫閔賜元以下皆坐重讞上以按察使得奏事士
葵見巡撫以下互相徇隱置若罔聞士葵本起廢籍尤負恩命奪職總督書麟
等誦道戍上許納贖尋復授刑部員外郎五十七年以病乞歸嘉慶元年卒士
葵治獄虛公周密每有所平反章邱民辛存義索逋於屠者死於途旁置屠刀

縣吏坐屠殺人士茲奉命詣讞躬訪於村女別得罪人遂乃雪旗丁有兄弟異母而同居者兄鰥弟有婦夜爲人戕母訴長子姦殺士茲蒞視長子伏地哭無一語在側指畫者母之姪也。茲審視良久叱其姪曰殺人者汝也姪股栗具伏泰安燧顏氏富而子幼夫弟強之嫁走訴部或醜士茲白金五千士茲拒之卒論如律邳州民有舅訟甥者謂其發母墓罪殊死士茲疑之爲覆讞蓋甥爲前母子舅則後母兄後母憎長子舅誑之曰汝母墓有蛇迹甥與其妻往視舅伺叢墓間執詣縣士茲得其情白長子枉士茲嘗曰刑官之弊莫大於成見聽訟有成見強人從我不能盡其情是客氣也斷罪有成見或偏於嚴明因求能折獄名或偏於寬厚自以爲陰德皆私心也高宗知其才屢坐讞終不使廢棄仍俾爲刑官世傳其再起復欲用爲侍郎和珅實尼之云

金簡賜姓金佳氏滿洲正黃旗人初隸內務府漢軍父三保武備院卿金簡乾隆中授內務府筆帖式累遷奉宸院卿三十七年授總管內務府大臣監武英殿刻書充四庫全書副總裁專司考覈督催三十九年授戶部侍郎管錢法堂

鑲黃旗漢軍副都統賜孔雀翎四十年奏京局鼓鑄每年七十五卯錢九十二萬七千三百五十千歲餘二萬餘千加以節年餘存遇閏價可抵放請裁去閏月四卯從之四十三年命纂四庫書要著工部尚書命赴盛京察平允庫項虧短關防拉薩禮等治罪如律奏定盛京銀庫章程下部議行四十六年命總理工部四十八年擢工部尚書鑲黃旗漢軍都統四十九年請疏濬蘆溝橋中泓五孔水道並請定三四年疏濬一次五十年與千叟宴四庫全書成議叙命修葺明陵請加築思陵月臺並拓享殿宮門五十六年故安南國王黎維那聘所屬黃益曉黎光輝等稟請歸國命金簡察治益曉光輝等並發遣五十七年調吏部尚書五十九年卒令皇孫絲勳奠醮賜祭葬諡勤恪金簡女弟爲高宗貴妃嘉慶初仁宗命其族改入滿洲賜姓紐布金簡子初授拜唐阿擢藍翎侍衛乾隆四十八年授泰甯鎮總兵六十年召授總管內務府大臣嘉慶三年授鑲紅旗漢軍副都統四年授工部侍郎賜孔雀翎奏請增設內務府養育兵上斥其例外乞恩意在沽名俄以清字摺誤書孝聖憲皇后徽號奪官予四品頂帶

留佐領旋復授正紅旗蒙古副都統總管內務府大臣五年授兵部侍郎六年擢工部尚書鑲紅旗漢軍都統九年署戶部尚書十四年卒

論曰曰修奉使治水利澤施於生民紹詩疏律義尙平恕皆有子克承厥緒循琦際華秀先迴翔臺省以篤謹被主知文植眷尤厚不阿時相潔其身以去皆彬彬平世令僕才也乾隆之季民窮盜起煌父子言鄉里民間疾苦高宗不以爲忤金簡起戚畹所論鑄錢旨明陵及黎維那乞歸國並關國故故比而次之

清史稿

列傳一百九

寶光鼎

李漱芳

曹錫寶

錢澧

尹壯圖

寶光鼎字元調山東諸城人乾隆七年進士選庶吉士散館授編修大考四等
罰俸高宗夙知光鼎居數月擢左中允累遷內閣學士二十年授左副都御史
督浙江學政上南巡臨海縣訓導章知鄴將獻詩光鼎以詩拙阻之知鄴欲訐
光鼎光鼎以聞上召知鄴試以詩詩甚拙且言願從軍上斥其妄命奪職戍關
展後數年上欲赦知鄴還而知鄴妄爲悖逆語欲以陷光鼎上乃誅之光鼎學
政任滿還京師秋讞光鼎以廣西囚陳父悔守田禾殺賊不宜入情實貴州囚
羅阿扛逞凶殺人不宜入緩決持異議簽商刑部語忿激刑部遽以聞上命大
學士來保史貽直協辦大學士梁詩正覆覈請如刑部議且言光鼎先已書題
何得又請改擬上詰光鼎光鼎言兩案異議本屬簽商並非固執因會議時言

詞過激刑部遽將簽出未定之稿先行密奏臣未能降心抑氣與刑部婉言咎
實難辭請交部嚴加議處上以會讞大典光緒意氣自用甚至紛呶謾罵而不
自知設將來豫諶者尤而效之於國憲朝章不可爲訓命下部嚴議當左邊仍
命留任光緒疏言事主殺竊盜律止杖徒近來各省多以竊盜拒捕而被殺比
罪人不拒捕而擅殺皆以門論寬竊盜而嚴事主非禁暴之意應請遵本律議
行二十七年上以光緒迂拙不勝副都御史命署內閣學士授順天府府尹坐
屬縣蝗不以時捕左邊四品京堂仍留任旋赴三河懷柔督捕蝗疏言近京州
縣多旗地嗣後捕蝗民爲旗地佃當一體撥夫應用上從所請以諭直隸總督
楊廷璋廷璋言自方觀承始設護田夫旗民均役上復以詰光緒召還京師令
從軍機大臣入見問民爲旗地佃不肯撥夫應用屬何人莊業光緒不能對請
徵東北二路同知及三河順義知縣質證退又疏請罷護田夫別定派夫捕蝗
事例上以光緒所見迂鄙統繆下部議奪職居數月諭光緒但拘鈍無能無大
過左授通政司副使再遷宗人府府丞復督浙江學政擢吏部侍郎浙江州縣

倉庫多虧缺上命察覈光鼎疏言前總督陳輝祖巡撫王賈望貪墨敗露總督富勒渾未嚴察臣聞嘉興海鹽平陽諸縣虧數皆逾十萬當察覈分別定擬上嘉其持正命尙書曹文植侍郎姜晟往會巡撫伊齡阿及光鼎察覈旋疏劾永嘉知縣席世維借諸生穀輸倉平陽知縣黃梅假彌虧苛歛且於母死日演劇仙居知縣徐延翰斃臨海諸生馬寅於獄並及布政使盛住上年詣京師攜貲過豐召物議總督富勒渾經嘉興供應浩煩餽餉役數至千百上命大學士阿桂如浙江按治阿桂疏言盛住詣京師附攜應解參價銀三萬九千餘非私貲平陽知縣黃梅母九十生日演劇卽以其夕死仙居諸生馬寅誣寺僧博復與門毆因下獄死光鼎語皆不讐光鼎再疏論梅事言阿桂遣屬吏詣平陽諮訪未得實躬赴平陽覆察伊齡阿再疏劾光鼎赴平陽利迫求佐證諸狀上責光鼎乖張脅亂命奪職逮下刑部光鼎尋奏親赴平陽士民呈梅派捐單票田一畝捐大錢五十又勒捐富戶數至千百貫每歲採買倉穀不予值梅在縣八年所侵穀值及捐錢不下二十萬母死不欲發喪特令演劇上以光鼎呈單票有

據時阿桂已還京師令復如浙江秉公按治並命江蘇巡撫閔鄂元會識以光
館質証阿桂鄂元疏言梅婪索事實論如律上以光館所奏非妄命署光祿寺
卿阿桂文植晟伊齡阿皆下部議旋擢光館宗人府府丞遷禮部侍郎復督浙
江學政再遷左都御史六十年充會試正考官榜發首歸安王以銜次王以銜
兄弟聯名高第大學士和珅素嫉光館言於上謂光館迭爲浙江學政事有私
上命解任聽部議及廷試和珅爲討卷官以銜復以第一人及第事乃解命予
四品銜休致卒

李漱芳字藝圃四川渠縣人乾隆二十二年進士授吏部主事再遷郎中三十
三年授河南道監察御史巡視中城尙書福隆安家奴藍大恃勢縱恣挾無賴
酗酒橫行市肆問漱芳捕治論奏高宗深嘉之命戍藍大以福隆安下吏議尋
擢工科給事中三十九年壽張民王倫爲亂漱芳疏陳奸民聚衆滋事爲饑寒
所迫又言近畿亦有流民扶老攜幼遷徙逃亡有司監釐溝橋阻不使北行給
事中范宜寶亦以爲言請增設粥廠上命侍郎高樸袁守侗率宜寶漱芳往釐

澆橋及近畿諸城鎮省視初無流民偷亂定俘其徒盜致京師廷鞠命湫芳旁視無言爲儼寒迫者問歲事對秋收尙及半上責湫芳妄言代奸民解說心術不可問不宜復居言路爲世道人心害宥罪降禮部主事四十三年禮部請以湫芳升授員外郎故事郎中員外郎員闕選應升授者擬正陪上請至是獨以湫芳請上不憚責尙書永貴擅專遂啓涉明季黨援朋比之習奪其職湫芳久之乃遷員外郎卒范宜賓漢軍鑲黃旗人大學士文程後也以廕生官戶部郎中歷御史給事中累遷太常寺少卿出爲安徽布政使與巡撫胡文伯不相能兩江總督高晉以聞上召宜賓還授左副都御史宜賓奏言屬縣蝗見屢請捕治文伯執不可上爲黜文伯而宜賓亦以捕蝗不力下吏議當左遷上以宜賓舊爲御史尙匪勉命仍爲御史宜賓疏言藩臬有所陳奏輒呈稿督撫當禁飭上以整飭吏治要在朝廷綱紀肅清自無扶同蒙蔽之事不在設法較防置其議不行及與湫芳同被譴上以宜賓漢軍世僕乃敢妄言干譽特重其罰奪職

成新編

曹錫寶字鴻書一字劍亭江南上海人乾隆初以舉人考授內閣中書充軍機處章京資深當摺侍讀錫寶辭大學士傅恒知其欲以甲科進乃不爲請遂二十二年成進士改庶吉士以母憂歸病瘍數年乃愈三十一年散館改刑部主事再遷郎中授山東糧道衛千總寤廷言子惠以索逋殺千總張繼渠錫寶下部議上巡山東召見命來京以部屬用以大學士阿桂奏令入四庫全書館自効書成以國子監司業升用居三年上以錫寶補司業無期特授陝西道監察御史時協辦大學士和珅執政其奴劉全恃勢營私衣服馬車居室皆踰制錫寶將論劾侍郎南匯吳省欽與錫寶同鄉里聞其事和珅方從上熱河行在馳以告和珅令全毀其室衣服車馬有踰制皆匿無跡錫寶疏至上詰和珅和珅言平時戒約嚴或扈從日久漸生事乞嚴察重懲乃命留京辦事王大臣召錫寶問狀又令步軍統領遣官從錫寶至全家察視無跡錫寶自承冒昧上召錫寶詣行在面詰錫寶奏全倚勢營私未有實蹟第爲和珅杜漸防微乃有此奏復諭軍機大臣大學士梁國治等覆詢錫寶又承杜漸防微語失當請治罪下

部議當左遷上手詔略言平時用人行政不肯存逆詐億不信之見若委用臣工不能推誠布公而猜疑防範據一時無根之談遽入人以罪使天下重足而立側目而視斷無此政體錫寶未察虛實以書生拘迂之見託爲正言陳奏姑寬其罰改革職留任五十七年卒仁宗親政誅和珅並籍全家乃追思錫寶直言諷曰故御史曹錫寶嘗劾和珅奴劉全倚勢營私家貲豐厚彼時和珅聲勢薰灼舉朝無一人敢於糾劾而錫寶獨能抗辭執奏不愧靜臣今和珅治罪後並籍全家貲產至二十餘萬是錫寶所劾不虛宜加優獎以旌直言錫寶贈副都御史其子江視贈官子應錫寶一十從子再世居嶺省敢言名家有甕焚諫草江嘗乞諸能文者爲詩歌傳一時云謝振定字一齋一字薌泉湖南湘鄉人乾隆四十五年進士改庶吉士散館授編修五十九年考選江南道監察御史巡視南漕漕艘阻瓜洲振定禱於神風轉順漕艘人稱謝公風六十年遷兵科給事中巡視東城有乘違制車騁於衢者執而訊之則和珅妾弟也語不遜振定命痛笞之遂焚其車曰此車豈復堪宰相坐耶居數日給事中王鍾健希和

神意假他事劾振定奪職和坤敗嘉慶五年起授禮部主事遷員外郎充坐糧廳監收漕糧裁革陋規兌運肅然十四年卒道光中振定子興嶢官河南裕州知州以卓薦引見循例奏姓名里貫宣宗問爾湖南人乃能爲京師語何也興嶢對言臣父振定官御史臣生長京師上曰爾乃燒車御史子耶因褒勉甚至明日語軍機大臣朕少聞燒車御史事昨乃見其子命擢興嶢叙州知府

錢澧字東注雲南昆明人乾隆三十六年進士改庶吉士散館授檢討四十六年考選江南道監察御史甘肅冒賑折指事發主其事者爲甘肅布政使王賈望時已遷浙江巡撫坐誅總督勒爾謹及諸府縣吏死者數十人事具賈望傳陝西巡撫畢沅嘗兩署陝甘總督獨置不問澧疏言冒賑折指固由賈望執法但賈望爲布政使時沅兩署總督近在同城豈無聞見使沅早發其奸則播惡不至如此之甚卽陷於刑辟者亦不至如此之多臣不敢謂其利令智昏甘受所餌惟是瞻徇回護不肯舉發甚非大臣居心之道請比捏結各員治罪上爲詰責沅降秩視三品事具沅傳四十七年澧疏劾山東巡撫國泰布政使于易

簡吏治廢弛貪婪無厭各州縣庫皆虧闕上命大學士和珅左都御史劉墉率
澧往按和珅庇國泰怵澧澧不爲撓至山東發歷城縣庫驗帑銀故事帑銀以
五十兩爲一錠市銀則否國泰聞使者將至假市銀補庫澧按問得其狀召商
還所假庫爲之空復按章邱東平益都三州縣庫皆虧闕如澧言國泰易簡罪
至死和珅不能護也上旌澧直言擢通政司參議四十八年遷太常寺少卿再
遷通政司副使出督湖南學政澧持正得士爲盛五十一年任滿命留任湖北
荊州水壞城郭孝感土豪殺饑民上責澧在鄰省何不以聞下部議諸生或匿
喪赴試又有上違禁書籍者澧按治未竟聞親喪去官以事屬巡撫浦霖霖遂
併劾澧坐奪職上命左授六部主事五十八年澧服除詣京師授戶部主事引
見卽擢員外郎復除湖廣道監察御史時和珅愈專政大學士阿桂王杰尙書
董誥福長安與同爲軍機大臣不相能入直恒異處澧疏言我朝設立軍機處
大臣與其職者皆萃止其中庸以集思廣益仰贊高深地一則勢無所分居同
則情可共見卽各司咨事畫寔亦有定所近日惟阿桂每日入止軍機處和珅

或止內右門內直廬或止隆宗門外近造辦處直廬王杰董誥則止於南書房
福長安則止於造辦處每日召對聯行而入退卽各還所處雖亦有時暫至軍
機處而事過輒起各司咨事帶袞趨步多歧皇上乾行之健離照之明大小臣
工戴德懷刑決於肌髓決不至因此遂啓朋黨角立之漸然世宗憲皇帝以來
及皇上御極之久軍機大臣萃止無渙未嘗纖芥有他由前律後不應聽其輕
更內右門內切近禁寢向因有養心殿帶領引見事須先一兩刻預備恩加大
臣不令與各官露立是以設廬許得暫止不應於未辦色之前一大臣入止而
隨從軍機司員亦更入更出爲日既久不能不與內監相狎萬一有無知如高
雲從者雖立正刑辟而所絀已多杜漸宜早至南書房備幾暇顧問俟軍機事
畢入直未遲若隆宗門外直廬及造辦處則各色應差皆得覘聽於外大臣於
中治事亦屬過褻請敕諸大臣仍照舊規同止軍機處庶匪懈之忱各申五夜
協恭之雅共勵一堂其圓明園治事和坤福長安止於如意門外南順橋東向
直廬王杰董誥止於南書房直廬並請敕更正上爲申誠諸大臣並命禮稽察

軍機處和坤素惡漕卒是尤深嘆之上夙許其持正度未可遽傾凡遇勞苦事多委之漕貧衣裘薄背輿歸散遂得疾六十年卒或謂漕將勅和坤和坤實欣之

尹壯圖字楚珍雲南昆明人乾隆三十一年進士改庶吉士散館授禮部主事再遷郎中三十九年考選江南道監察御史轉京畿道三遷至內閣學士兼禮部侍郎高宗季年督撫坐譴或令繳罰項貸罪壯圖以爲非政體五十五上年上疏言督撫自蹈愆尤聖恩不卽罷斥罰銀若干萬充公亦有督撫自請認罰若干萬者在桀鷲者藉口以快其饕餮之私卽清廉者亦不得不望屬員之扶助日後遇有虧空營私重案不容不曲爲庇護是罰銀雖嚴不惟無以動其愧懼之心且潛生其玩易之念請永停此例如才具平常者或卽罷斥或用京職母許再膺外任上諭曰壯圖請停罰銀例不爲無見朕以督撫一時不能得人乘瑕錄用酌示薄懲但督撫等或有昧良負恩以措辦官項爲辭需索屬員而屬員亦藉此飲派逢迎此亦不能保其必無壯圖既爲此奏自必確有見聞令指

實覆奏壯圖覆奏各督撫聲名狼籍吏治廢弛臣經過地方體察官吏賢否商民牛皆蹙額興歎各省風氣大抵皆然請旨簡派滿洲大臣同臣往各省密查虧空上復諭曰壯圖覆奏並未指實至稱經過諸省商民蹙額興歎竟似居今之世民不堪命此聞自何人見於何處仍令指實覆奏壯圖再覆奏自承措語過當請治罪上命戶部侍郎慶成偕壯圖赴山西察倉庫始大同府庫次山西布政使庫皆無虧壯圖請還京治罪上命慶成偕壯圖再赴直隸山東江南諸省慶成所至輒游宴數日乃發倉庫校數歷直隸布政使及正定關山山陽諸府縣皆無虧上寄諭壯圖問途中見商民蹙額興歎狀否壯圖覆奏言目見商民樂業絕無蹙額興歎情事上又令慶成傳旨令其指實二三人毋更含糊支飾壯圖自承虛誑奏請治罪尋復察蘇州布政使庫亦無虧還京下刑部治罪比挾詐欺公安生異議律坐斬決上謂壯圖逞臆妄言亦不妨以謗爲規不必遽加重罪命左授內閣侍讀繼又以侍讀缺少改禮部主事壯圖以母老乞歸嘉慶四年仁宗親政召詣京師壯圖仍以母老乞歸上賜其母大緞兩端加壯

圖給事中銜賜奏事摺匣命得上章言事壯圖未行復上疏請清覈各省陋規
明定科條上以爲不可行既歸疏請拔員才儲實用大要謂保舉未定處分當
下吏部嚴立科條科場或通關節當將房考落卷送主司搜閱其尤要者謂六
部滿洲司員彙案文義多未曉暢當嚴督令習經書通文理鄉會試加廣名額
司員先儘科甲挑補下軍機大臣議奏謂惟房考落卷送主司搜閱事近可行
補入科場條例雲南巡撫初彭齡乞養歸壯圖疏請留上不允別疏復申前議
謂滿洲子弟十五六歲前專責習經書通文理再習騎射繙譯上謂壯圖以前
嘗駁飭之事復行讀陳更張本朝成法下雲南巡撫伊桑阿傳旨申飭八年疏
言天下萬幾皆皇上獨理內外諸臣不過浮沈旅進旅退之中無能匡扶弼亮
請於內之卿貳翰詹科道外之藩臬道府慎選二十人輪直內廷每日奏章諭
旨盡心檢校有疎忽偏倚之處許就近詳辨可否上責壯圖言皆迂闊紕繆斷
不可行若如所奏直於軍機大臣外復設內軍機成何政體因及雲南布政使
陳孝昇道員薩榮安方以冒銷軍需被罪令巡撫那彥寶詰壯圖何無一言奏

及壯圖言以不得孝昇等確據未敢入告仍請議處上命寬之十三年卒
論曰高宗中年後遇有言事者遣大臣按治輒命其參與光館既將坐譴卒得
自白阿桂之賢也澧劾國泰發庫藏掩覆論者謂劉墉密與澧商權蓋亦有力
焉漱芳錫寶壯圖皆不能實其言大臣怙寵亂政民迫於饑寒卒成禍亂嗚呼
古昔聖王兢兢重畏民艱良有以也